

# ԱՐԴԱՐ ԱԿՆԿԱԼՈՒԹԻՒՆՆԵՐ ՀԲԸՄ-Ի ՆՈՐԸՆՏԻՐ ՆԱԽԱԳԱՀԷՆ

*Posted on April 2, 2024 by Keghart*



Category: [Opinions](#)



## Խմբագրական, 2 ապրիլ 2024

Սեմ (Սամուել) Սիմոնեանի անունը նորություն մը չէ: Ան գիտնական է, համահիմնադիրը «ԹՈՒՄՕ»-ի (TUMO), որու կարելոր մասնաճիւղերէն մէկը կը գտնուի Երեւանի մէջ եւ կը նկատուի համակարգչային գիտութեան վաւերական կեդրոններէն մէկը: 1989-ին ան հիմնած է Inet Technologies-ը: 1994-ին ճանչցուած է տարուայ ձեռնարկատեր Inc. Magazine, Ernst & Young եւ Merrill Lynch-ի կողմէ, 2000-ին արժանացած է ԱՄՆ-ի *Էլլիս Այլընտ* (Ellis Island) պատուոյ շքանշանին: Շրջանաւարտ է Պէյրութի Վահան Թեքէեան վարժարանէն (Նախակրթարան), իսկ երկրորդական կրթութիւնն ստացած է Հ. Բ. Ը. Միութեան Յովակիմեան-Մանուկեան վարժարանէն: Գիտական բարձրագոյն ուսման տիրացած է Թեքսասի համալսարանին մէջ, ուրկէ վկայուած է որպէս էլեկտրոնիկայի ճարտարագէտ (Electronic engineer):

Սեմ Սիմոնեանի անցնող տարիներու ազգային-հասարակական գործունեութիւնը ցոյց կու տայ, որ ան հարազատ արգասիքն է հայկական վարժարաններու: Պատահական չէր իր յաճախած Նախակրթարանին հանդէպ ցուցաբերած հոգատարութիւնը, որուն շնորհիւ Թեքէեան վարժարանի մանկապարտեզը վերջերս կոչուեցաւ Սեմ եւ Սիլվա Սիմոնեան բարերար ամուլին անունով՝ յետ զգալի բարենորոգութիւններու եւ արդիականացման աշխատանքներու:




Նորընտիր Նախագահին անունը քաջ ծանօթ է ՀՀ-էն ներս, որպէս բանական ճարտարագիտութեան (AI) նորարար գիտահետազօտական կարելոր հիմնարկի մը հիմնադիր: Առ ի գնահատանք իր բազմակողմանի աշխատանքներուն ան պարգեւատրուած է Անանիա Շիրակացի շքանշանով:

Հ. Բ. Ը. Մ.ի Կեդրոնական վարչական ժողովին կողմէ Միութեան Նախագահ ընտրութեամբ (*զայն պէտք է հաստատէ Միութեան ընդհանուր պատգամաւորական ժողովը, որուն գումարումը Նախատեսուած է այս տարուան հոկտեմբերին*) հպարտութեան արդար զգացումով լեցուեցաւ յատկապէս Հ. Բ. Ը. Միութեան լայն շրջանակը: Լուրը գոհունակութեամբ ընդունեցին, ի մասնաւորի, Միութեան

### վարժարաններէն

շրջանաւարտները: Արդարեւ, ան համազգային այս մեծ միութեան՝ հայկական վարժարաններէ շրջանաւարտ եւ թերեւեան մշակութային միութեան շրջանակին մէջ թրծուած **առաջին** նախագահն է, նաեւ առաջին նախագահը որ կու գայ ժողովրդային չարքաշ խաւէն: Հետեւաբար, սփիւռքեան հոծ շրջանակ մը նոր յոյսերով ու ակնկալութիւններով կ'ընդունի անոր ընտրութիւնը:



Յիշեցնենք թէ վերջին երեսունհինգ տարիներու ընթացքին վերջին երկու նախագահներն ու անոնց վարչական/հոգաբարձական կազմերը Միութեան կիզակետը դարձուցած էին գերազանցապէս նորանկախ Հայաստանի ու Արցախի Հանրապետութիւնները, միաժամանակ զգալիօրէն անտեսելով Հ. Բ. Ը. Միութեան վարժարանները, որոնք զանազան պատճառներով իրենց դուռերը գոցեցին կամ միացուեցան իրարու: Այս մասին տրուեցան զանազան «պատճառաբանութիւններ», որոնք համոզիչ չէղան գրեթէ բոլորին:

Այս պահուն յարմար չենք գտներ խօսիլ վերոյիշեալ հարցին մասին կամ զայն դարձեալ քննարկել, թէեւ շատ մելան հոսեցաւ անցնող տասնամեակներուն՝ առանց դոյզն դրական փոփոխութեան: Մեր համոզումով, հայկական վարժարանները եղած են այն մշակութային ու կրթական ամենէն վստահելի բոյները, ուր միս ու արիւն առին սփիւռքը սնող եւ կառավարող տարրերը: Այստեղ է որ հայապահպանութիւնը գտաւ իր պարարտ հողը, շարունակեց գոյատեւել հայոց լեզուն, նոր սերունդներուն հաղորդուեցան հայոց պատմութիւնն ու հայ մշակոյթը՝ ՄԻՓՈՆԵԱՆԻ ԲԱՅԸՆԴԱՆՈՒԹԻՒՆԻ ԴԱՏԱՆԿԱԿԱՆԻՑ



ԱՄԵՐԻԿԱՆԵՆԻ ԱՄԵՐԻԿԱՆԱԿԱՆՈՒԹՅԱՆ ՀԻՄՆԱԴՐԻ ՄԵԾ ԻՆՏԵՆՍԻՎԱԿԱՆ ՊՈԶԻՑԻԱ ՆՈՒՆԱՐ ՓԱՅՉԱ ԵՒ ԻՐ ԳՈՐԾԱԿԻԿՆԵՐԸ, ՈՐՈՆՔ 1906-ԷՆ ՍԿՆԵԱԿ ՄԱՍՆԱՅԱՏՈՒԼ ՈՒՂԱԴՐՈՒԹԵԱՄԲ ԵՒ ԲԾԱԽՆՊՐՈՒԹԵԱՄԲ ԼԾՈՒՆԵԿԱՆ ԴՊՐՈՑ, ԱԿՈՒՄԲ ԵՒ ԵԿԵՂԵՑԻ Կառուցելու ԵՒ զանոնք պահելու գործին՝ ըլլա՛յ Հայրենիքի թէ սփիւռքի տարածքին: Թուենք քանի մը հատը՝ Քելեկեան որբանոց, Սիսուան որբանոց-դպրոց (Փորթ Սայիտ), Մելգոնեան Կրթական Հաստատութիւն (Նիկոսիա, Կիպրոս),

Պէյրուքի Դարուհի Յակոբեան աղջկանց եւ Յովակիմեան-Մանուկեան մանչերու երկրորդական վարժարաններ, Հալէպի Լազար Նաճարեան վարժարան, Պէյրուքի Երուանդ Տեմիրճեան, Կարպիս Նազարեան, Պօղոս Կարմիրեան վարժարաններ, Պուէնոս Այրեսի Մարի Մանուկեան վարժարան ու դեռ կարելի է երկարել այս շարքը:

Յատկապէս պէտք է շեշտել ՄԿՀ-ը, որ շուրջ ութ տասնամեակ ոչ միայն պատասպարեց հարիւրաւոր որբեր, այլեւ մասնագիտութեամբ ապահովեց զանոնք, պատրաստեց մանկավարժներ, հայագետներ, գիտութեան եւ արուեստներու մէջ յաջողած մասնագետներ, ազգային-հասարակական գործիչներ: Այս վարժարաններու մէջ հասակ առին նաեւ գործարարներ, որոնք իրենց նիւթական աղբիւրները չխնայեցին ազգին կարիքներուն համար: Հետեւաբար, այսօր եւս հացի եւ ջուրի պէս մեր ազգը պէտք ունի նոր ՄԿՀ-ի մը:

Մարտահրաւերները շատ են նորընտիր նախագահին դիմաց: Թուենք քանի մը հատը.

- Միութեան անդամութեան վերականգնում, որպէսզի սփիւռքի թէ Հ. Հ.ի հայերը ունենան **պատկանելիութեան ու պարտականութեան** խորունկ զգացում.
- Նպաստել արտագաղթի դեմ պայքարին.
- Մելգոնեան Կրթական Հաստատութեան եւ առհասարակ հայ վարժարաններու դերի վերաբծեւորում.
- Տաղանդաւոր երիտասարդ արուեստագետներու եւ գրողներու քաջալերութիւն.
- Հայ մշակոյթի արժէքներու պահպանութիւն եւ ծանօթացում աշխարհին.
- Եւ ամենէն էականներէն մէկը՝ ՎԵՐԱԿԱՆԳՆԵԼ ՄԻՈՒԹԵԱՆ ԺՈՂՈՎՐԴԱՅՆՈՒԹԻՒՆԸ՝ զայն դուրս բերելով յղփացած հարուստներու եւ քաղքենիներու ակումբի այսօրուան տխուր վիճակէն: Միութեան հիմնադիրներէն եւ նախագահներէն ոմանք մեծահարուստ էին,

սակայն միաժամանակ՝ իրենք գիտենք ծառան կը նկատէին համեստ խաւերուն եւ չէին զլանար անոնց օգնել ու չէին անտեսեր անոնց նոյնիսկ աննշան թուող օգնութիւնները Միութեան: Մենք լաւ կը յիշենք ամէն հոկտեմբերի Մշակոյթի օրուան հանգանակութիւնները, երբ ժողովուրդին համեստ խաւերը լիաբուռն կը մասնակցէին տուն առ տուն շրջող միութենականներու եւ Հ. Բ. Ը. Մ.ի դպրոցներու աշակերտներու հանգանակութեան արշաւին: Աւելի ճիշդ է որ ՄԵԿ ՄԻԼԻՈՆ ՀԱՅ մեկական տուլար տայ Միութեան, քան ՄԵԿ ՀՈԳԻ՝ մէկ միլիոն տուլար (անշուշտ՝ ողջունելի են նաեւ վերջիններս): Կը կարծենք, թէ կարիքը չկայ բացատրելու, թէ այս երկուքին դրամական արտայայտութիւնը եթէ նոյն գումարն է, սակայն Միութեան աշխատանքներուն ՀՈԳԵԿՑՈՒԹԵԱՆ տարողութիւնները լեռ ու ձոր կը տարբերին իրարմէ (ընտրեալ նախագահը եւ Միութեան վարժարաններ յաճախած իր հարազատները՝ քոյրը՝ Սեդա, զարմիկները՝ Պերճ եւ Մարալ, տիկինը՝ Սիլվա եւ այլք՝ հաւանաբար մասնակցած են Մշակոյթի օրուան ժողովրդային հանգանակութիւններուն՝ ապրելով ուրախութեան գերագոյն պահեր...):



«Գեղարդ» ի սրտէ կը շնորհաւորէ պրն. Սեմ Սիմոնեանի ընտրութիւնը եւ պատրաստակամութիւն կը յայտնէ սատար կենալու անոր ազգօգուտ բոլոր նախաձեռնութիւններուն: Պարտ կը զգանք յիշեցնել թէ մեր անձնակազմի եօթը անդամներէն հինգը իր նման Հ. Բ. Ը. Միութեան Յովակիմեան-Մանուկեան մանչերու երկրորդական վարժարանի, Դարուհի Յակոբեան աղջկանց երկրորդական վարժարանի եւ Երուանդ Տեմիրճեան նախակրթարանի շրջանաւարտներ են, որոնք իրենց հայկական կրթութիւնն ու դաստիարակութիւնը կը պարտին իրենց յաճախած վարժարաններուն, անոնց բիւրիցս երանելի ուսուցչական կազմերուն եւ հովանաւոր մեծ Միութեան ազգային տեսլականն ունեցող ղեկավարներուն:

**Ներածական նկարը կը ներկայացնէ 1973-ի Հ. Բ. Ը. Միութեան Յովակիմեան-Մանուկեան Մանչերու Երկրորդական Վարժարանի շրջանաւարտ հունձքը, յաջորդը՝ նոյն նկարէն մաս մը՝ ուր սլաքը կը մատնանշէ Սեմ Սիմոնեանը: Այնուհետեւ տեղադրուած է դպրոցի «Նուիրում» աշակերտական թերթի 1973-ի**

**ամառը լոյս տեսած թիւէն փոխառնուած հատուած մը, որ կը վերաբերի Սիմոնեանի կենսագրութեան եւ իր այդ օրերու նշանաբանին՝ «Ըլլալ ինքնավստահ եւ արագ»։ Ապա տեղադրուած է Սիմոնեան ամուլի (Սիւվա եւ Սեմ) նկարը, որուն կը յաջորդէ Հ. Բ. Ը. Միութեան նորընտիր նախագահին պատկերը՝ հարցազրոյցի ընթացքին:**

## Comments



**Միհրան Չոլաքեան** – 2024-04-03 22:44:16

Սրտագին շնորհաւորութիւններս նորընտիր նախագահին մեծայարգ Պրն. Սեմ Սիմոնեանին: Սրտագին յաջողութեան լաւագոյն մաղթանքներով՝  
Յովակիմեանցի Միհրան Չոլաքեան



**Kevork Keshishian** – 2024-04-03 10:57:09

Միանգամայն համաձայն լինելով գրութեան յուրաքանչյուր բառի և հասկացութեան հետ՝ ես ամփոփում եմ այն, ինչը խտրական է ինստիտուցիոնալ գործում. կրթական առումով, Հայաստանում դավաճանություն և խարդախություն սփյուռքում!!! Fully agreeing with every word and concept of the writing, I summarize what is discriminatory in institutional work. in terms of education, betrayal and fraud in the Diaspora in Armenia!!!



**Berge OKNAYAN** – 2024-04-03 05:19:44

Heartfelt congratulations. The RIGHT choice.



**John keusseyan** – 2024-04-02 21:47:01

Congratulation to the newly elected president of AGBU. Since he is Hovaguimyantsi, he will be great President and will put the need of our people ahead of politics. Wish him best of luck.